23.11.2025

Священник: Мир всем.

Чтец: И ду́хови твоему́.

Диакон: Прему́дрость.

Чтец: Прокимен, глас 7: Госпо́дь кре́пость лю́дем Свои́м даст, / Госпо́дь благослови́т лю́ди Своя́ ми́ром.

Лик: Госпо́дь кре́пость лю́дем Свои́м даст....

Чтец: Принесите Господеви сынове Божии,

принесите Господеви сыны овни.

Лик: Госпо́дь кре́пость лю́дем Свои́м даст....

Чтец: Госпо́дь кре́пость лю́дем Свои́м даст.

Лик: Господь благословит люди Своя миром.

Диакон: Прему́дрость.

Чтец: Ко Ефессе́ем посла́ния свята́го Апо́стола Па́вла чте́ние.

И паки диакон: Вонмем.

Чтец: Братие, Христос есть мир наш, сотворивый обоя едино, и средостение ограды разоривый, вражду Плотию Своею, закон заповедей ученьми упразднив, да оба созиждет Собою во единаго новаго человека, творя мир, и примирит обоих во едином теле Богови крестом, убив вражду на нем. И прише́д благовести́ мир вам, да́льним и бли́жним, зане Тем имамы приведение обои во едином Дусе ко Отцу. Темже убо ктому несте странни и пришельцы, но сожителе святым и приснии Богу, наздани бывше на основании Апостол и пророк, сущу краеугольну Самому Иисусу Христу, о Немже всяко создание составляемо растет в церковь святую о Господе, о Немже и вы созидаетеся в жилище Божие Духом.

(Зач. 221., Еф.2:14-22)

Brüder, Christus ist unser Friede. Er vereinigte die beiden Teile (Juden und Heiden) und riss durch sein Sterben die trennende Wand der Feindschaft nieder. Er hob das Gesetz samt seinen Geboten und Forderungen auf, um die zwei in seiner Person zu dem einen neuen Menschen zu machen. Er mit Gott in einem einzigen Leib. Er hat in seiner Person die Feindschaft getötet. Er kam und verkündete den Frieden: euch, den Fernen, und uns, den Nahen. Durch ihn haben wir beide in dem einen Geist Zugang zum Vater. Ihr seid also jetzt nicht mehr Fremde ohne Bürgerrecht, sondern Mitbürger der Heiligen und Hausgenossen Gottes. Ihr seid auf das Fundament der Apostel und Propheten gebaut; der Schlussstein ist Christus Jesus selbst. Durch ihn wird der ganze Bau zusammengehalten und wächst zu einem heiligen Tempel im Herrn. Durch ihn werdet auch ihr im Geist zu einer Wohnung Gottes erbaut.

Священник: Мир ти.

Чтец: И ду́хови твоему́. **Диакон**: Прему́дрость.

Чтец: Аллилу́иа. Аллилу́иа. Аллилу́иа, глас 7.

Лик: Аллилу́иа. Аллилу́иа. Аллилу́иа.

Чтец: Благо есть исповедатися Господеви и пети

И́мени Твоему́, Вы́шний.

Лик: Аллилу́иа. Аллилу́иа. Аллилу́иа.

Чтец: Возвеща́ти зау́тра ми́лость Твою́, и и́стину Твою́ на вся́ку нощь.

Лик: Аллилу́иа. Аллилу́иа. Аллилу́иа.